

國鑒小叢書之一

湖南張紹修著

李校

白

喉

治

法

捷

要

時疫

上海國鑒書局印行



中華民國十九年四月出版

國醫小叢書之一

李校白喉治法捷要

全書一冊定價一角

著者

湖南張紹修

校正者

松江李啓賢

出版者

上海國醫書局

發行者

上海中醫書局

山東路A字一號

代售者

台灣蘭記書局

嘉義西門街

版權所有 禁止翻印

時疫白喉捷要

湖南淮州張紹修著

專治時疫白喉嚨證法

白喉有時疫一證。傳染甚速。其病極險極危。時醫往往束手。修考之諸書。臨證日久。竊以為其治有十難焉。蓋此證乃纏喉急痹。緩治則死。凡咽喉不利。口渴舌燥。頸腫目赤。耳痛唇紅。皆上攻頭面之證。邪熱客於心肺之間。似與他經無涉。其有兼及他經者。體氣虛弱。邪氣乘虛而入。皆後之傳變。名曰越經。時未傳及他經。不察其源。治以他經之藥。其難一也。大抵其證初起惡寒發熱。頭痛背脹。精神倦怠。遍身骨節疼痛。喉內有極痛者。有微痛者。初無形迹可見。似傷寒傷風表證。若投以麻桂細辛羌防升柴蘇葉之類。致毒渙散。無可挽回。其難二也。彼其惡寒發熱。乃毒氣初作於內。至二三日喉內現白。現後

寒熱自除。或者不悟。誤以為表藥有功。豈知白現後即不服表藥而發熱亦止耶。一起誤服羌防麻桂。非徒無益而又害之。其難三也。按此病熱證多。寒證少。有以色白為寒者。不思此證初發於肺。肺屬金。其色白。為五臟六腑之華蓋。處至高之位。毒氣薰蒸。自下而上。肺病日深。故其本色日著。治宜解五臟之毒。使之下行。勿令蓄積於肺。若因色白。認為寒證。以附桂炮薑投之。是謂抱薪救火。愈熾愈烈。其難四也。即有知為火毒。不可輕用升提開散之品。輒以芒硝大黃下之。不知此證已傳至上焦氣分。與中下焦無涉。既上焦氣分受傷。又以硝黃攻伐太過。使中下焦有損。元氣愈傷。其難五也。見證確。藥當守方。有火毒盛者。初起用消風敗毒引熱下行之劑。治法良是。乃日服二三劑而白不退。連服十數劑而白愈。如是猶杯水車薪。與事無濟。治者當詳審病源。或舌苔黃黑。喉乾唇燥。小便短澀微黃。大便瀉泄。

帶黑。是謂大毒凝結。內病不除。白何能淨。愈發愈白。愈守方久久投之。自有效驗。若另更別方。必生變故。其難六也。察之既精。圖治不容緩。此乃瘟疫之變證。殺人最速。過七日不起。庸醫辨證未明。投以平淡之劑。不求有功。但求免過。是謂優容養奸。迨延至五、六日。毒氣重矣。元氣傷矣。善治者。不得不以猛劑攻之。然病已垂危。成則無功。一旦不起。病家不咎優容之過。反云猛劑非宜。此非誤於後而實誤於前。其難七也。有非白喉而轉為白喉者。初起喉痛紅腫。或惡寒發熱。或不惡寒發熱。一邊腫名曰單蛾。兩邊腫名曰雙蛾。治之稍緩。則氣閉不起。宜用生土牛膝兜引熱下行。大便閉用大黃。否則不必用。此與白喉證異治同。倘不預防。轉為白喉。為禍甚烈。其難八也。又有勞證白喉。陰虛火燥。痛極而水米難下。漸至朽爛。形容枯槁。面目憔悴。必需補劑。使元氣充滿。而喉痛自愈。若以時行疫證白喉。誤認陰虛。

差之毫釐。失之千里。其難九也。更有一種白喉。無惡寒發熱等證。喉內起白皮。隨落隨長。的是寒證。非附桂不愈。即誤服消風敗毒之藥。亦無大損。若以時行疫證白喉。認為此證。為害不淺。其難十也。知此十難。臨證審治。十不失一。難不終難。修持此法。活人多矣。

白喉嚨續論

白喉治法。浩渺無憑。修自稽考以來。時深討論。每臨編得其法。未必見其病。臨病見其證。未必合其方。可見病態多端。唯貴圓通而知其要耳。修曾立白喉嚨證論一篇。以傳於世。奈白喉一證。愈出愈險。有朝發夕死者。沿街合巷。互相沾染。治之不速。十難全一。噫。真可慘也。竊此證乃瘟疫惡症。必需詳審外證。細察脉情。看明喉嚨內外兩關。白多白少。及小大厚薄。方可下藥。否則以輕劑而治重病。其禍甚烈。以重劑而治輕病。其害尤深。過猶不及。誠哉是言也。其證初起。憎寒

壯熱口渴喉乾。聲音不出。湯水不入。痰涎壅塞。脹閉。疼痛異常。滿喉皆白。脉多洪數。甚者且無至數。此乃時行厲氣為病。喉證中最急者也。或者謂咽喉病忌用寒涼。謬妄殊甚。每見投以荆防敗毒散。大承氣者。指不勝屈。不知以硝黃瀉胃中之實熱。是謂誅伐無過。徒增其病之危篤。以羌防理太陽之遊風。致使渙散其毒。病必漸入於膏肓。修立除瘟化毒散。神功避邪散。神仙活命湯。已用之屢矣。皆能立起沈疴。但恐病勢太重。猶嫌藥力稍輕。再立龍虎二仙湯。日服三四劑。連服數日。不必更方。縱食不下咽。斷不至寒涼過度。胃氣告匱。所謂有病則病受也。白退而藥即止。徐徐調理。元氣不難充滿。惟證尤烈者。實火為患。臟腑積熱太深。堵塞咽喉。隘地呼吸不通。服雄黃解毒丸亦妙。究係厲劑。不可輕用。慎之慎之。然所論雖屢詳明。治者尤宜達變通權。兼以閱歷。方能隨手應效。活人之法。當無出此。若輕忽怠

玩耽擱日期。使面青唇黑。氣急痰壅。煩躁神昏。攻之不可。達之不及。雖盧扁復生。不可為也。

白喉嚨看法

初起惡寒發熱。頭痛背脹。遍身骨節疼痛。喉內或極痛或微痛。或不痛。而喉內微硬。有隨發而白。隨現者。有至二三日而白始現者。或由白點。白條。白塊。漸至滿喉皆白。所治皆同。服藥後喉內或白收緊。或白稀疏。或白微小。或白轉黃。久之必然退淨。但此病非比他病。貴在見幾早。尤貴治法精。若心粗氣浮。輕視此證。有非白喉而妄稱為白喉。遽以猛劑攻之者。有真白喉。又不識為白喉。僅以平劑投之者。有胎產婦女。幼孩老人。大病後虛勞內傷。皆難任攻伐者。治不得當。鮮不輕者重。重者危矣。醫是病者。宜防護自己。不可空腹入患家看病。或飲雄黃酒一杯。或食大蒜。亦可保不傳染。且入卧房病人前。須先

有者為
單微所謂
忌藥

正其心。行坐語言。不可嬉戲。貪淫邪念。切不可起。

白喉嚨治法

初起用粉葛。殭蠶。蟬蛻。以散風熱。以牛子。連翹。金銀花。土伏苓。消腫敗毒。生地。元參。天冬。麥冬。清金生水。黃芩。黃連。梔仁。山豆根。生石膏。瀉火救水。木通。澤瀉。車前仁。引熱下行。重者再加馬勃。龍膽草。外用生土牛膝。兜即天明精根。子名鶴虱。或於未服藥之先。既服藥之後。煎水間服。再以萬年青。搗汁。或服。或噙。輕者以除瘟化毒散主之。重者以神功辟邪散主之。再重者以神仙活命湯主之。輕則日服一二劑。重則日服三四劑。將疫毒由上焦引至中焦。由中焦引至下焦。從大小腸膀胱而出。大便瀉泄。火毒下行。此為吉兆。大便閉塞。少加熟大黃。如仍閉塞。改用生大黃。大便瀉即去。服十餘劑愈者有之。服二三十劑愈者有之。以白點退淨為度。其分量藥味之加減。劑數之多寡。須臨證

制宜不必另更別方。連日投之。自然全愈。屢試屢驗。同治丁卯冬白喉險證極多。有漸至危篤者。延余診視。詢前所投之藥。皆消風敗毒引熱下行之劑。治法良是。終莫能起。不解何故。余詳審外症。細察脉情。再三思之。想必是實火為患。熱毒凝結臟腑。雖用瀉火敗毒之藥。仍是杯水車薪。與病奚濟。擬一龍虎二仙湯。日服四劑。服十餘劑。愈者有之。有服至二三十劑而白尚未退淨。服雄黃解毒丸一服。仍服龍虎二仙湯十餘劑而愈。故處此方。全活甚重。謹將二方續列於後。以備選用。白點退完。當用清涼之品。以清心滌肺。湯主之。日服一劑。徹盡餘毒。再服養陰之劑。以養正。湯主之。脾胃素虛者。以四君子湯加生何首烏。金銀花。總賴以圓機行活法也。以上白喉治法。凡單雙雙蛾喉癰及喉內紅腫。均可依法治之。但藥味須酌量加減。慎之慎之。

除瘟化毒散

粉葛二錢 黃芩二錢 生地三錢 梔仁二錢 殭蠶二錢 浙貝三錢 豆

根二錢 木通二錢 蟬蛻二錢 甘草五分 冬桑葉二錢

此方白喉初起宜之。凡單蛾雙蛾及喉痛皆可服。

神功辟邪散

粉葛 連軹 木通 黃芩 銀花 牛子 馬勃 各二錢 用生

地四錢 殭蠶 浙貝 麥冬各三錢 蟬蛻一錢 青果三個 為引

神仙活命湯

土茯苓五錢 生地四錢 龍膽草 蟬蛻各一錢 石膏 浙貝 黃

芩 殭蠶 馬勃各三錢 銀花 木通 車前子各二錢 青果五個 為引

以上二方。白喉重者宜之。日服二三劑。少則不效。凡單蛾雙蛾
喉癰及喉內紅腫。去土茯苓銀花馬勃。其餘均可斟酌加減服

之

龍虎二仙湯

大生地

生石膏

各一兩

真犀角

錢八

龍膽草

錢二

鼠粘子

板藍根

知母

元參

馬勃

木通

錢各四

川黃連

錢三

黑梔子

錢三

甘草

錢一

黃芩

殭蠶

錢各五

大青葉

錢五

粳米

合五

為引

此方為白喉極險者而設。可日服三四劑。須臨證斟酌。不可亂投。

雄黃解毒丸

明雄黃

選透明者

研極細

水飛取

鬱金

一錢

須晒燥

巴豆

去壳取

白色肉

如十四粒

去皮炒熟

研去油

用紙包壓去油

三味各如法製研

然後合研勻

用米醋煎濃汁

麵和為丸

菜豆

大每用四分

茶湯泡軟

杵鎔送下

小人減半

○纏喉走馬急證

緩治則死。雄黃能破結氣。鬱金能散惡血。巴豆斬關奪門。能下惡涎。下咽無不活者。但此屬厲劑。乃惡藥也。不得已而用之。苟非急證。不可妄投。

清心滌肺湯

生地 麥冬 各三錢 浙貝 黃柏 知母 天花粉 黃芩 天冬

各二錢 殭蠶 各二錢 甘草 五分

日服一劑。以二三劑為度。體氣素弱。加條參。或加生玉竹亦可。

養正湯

生玉竹 五錢 淮藥 炒熟地 製首烏 各四錢 雲苓 大生地 麥冬

女貞子 各三錢 花粉 酒芍 各二錢

銀花四君子湯

台黨參 五錢 白朮 四錢 生首烏 四錢 銀花 二錢 炙草 一錢 雲茯苓 三錢 冬桑葉 二錢

為引

瓜霜散

吹藥

西瓜霜

四錢將皮硝灌入西瓜內秋風吹透俟瓜皮外發白霜刮取收存

人中白

一錢辰砂二錢

雄精

二分冰片一錢

共研細末。再乳無聲。如非白喉。可去雄精。

無治之證

白塊自落。

七日滿。白不退。

服藥大便不通。

喉乾無涎。

未服

藥大便瀉。

大便連瀉不止。

兩目直視。

痰壅氣喘。

面唇俱青。

藥不能下。

音啞無聲。

上海中醫書局最近出版醫書

經籍類

讀內經記
內經類證
內經研究之歷程考略
難經註疏
難經古義

秦伯未	秦伯未	許半龍	日本玄醫	日本藤萬卿
鉛印	鉛印	鉛印	鉛印	鉛印
平裝	平裝	平裝	平裝	平裝
一冊	一冊	一冊	一冊	一冊
六角	六角	四角五分	八角	(印刷中)
六折	六折	六折	六折	六折

金匱類

金匱直解

程雲來
鉛印
平裝
一冊
(印刷中)

傷寒類

傷寒翼方
傷寒辨要
合刻

栗園淺田
鉛印
平裝
一冊
六角
六折

溫熱病類

溫病賦
秦校溫疫論
秦校溫病條辨症方歌括
秦校疫痧草

姜子房	吳又可	錢文驥	陳耕道
鉛印	鉛印	鉛印	石印
平裝	平裝	平裝	本裝
一冊	一冊	一冊	一冊
二角	一角	二角	一角
六折	六折	六折	六折